

四庫全書

史部

欽定四庫全書

大事記續編卷五十三

明 王禕 撰

唐則天順聖皇后武氏光宅元年春正月甲申朔改元

嗣聖

以新舊紀修

立太子妃韋氏為皇后

以呂祖謙標目修

二月戊

午皇太后廢帝為廬陵王己未立豫王旦為皇帝居別

殿妃劉氏為皇后永平郡王成器為皇太子改元文明

皇太后仍臨朝稱制庚申廢皇太孫重照為庶人

以通鑑及

呂祖謙標目修

解題曰胡寅曰中宗之廢世往往歸咎武氏而不知事起裴炎也炎但知韋玄貞與政必分已權不若倚后為重而不知為唐遠慮以啟革命屠戮之禍其罪又不止廢君而已武氏包藏禍心自高宗中世其迹益彰炎苟不能識是不智也識其意趨而勸成廢立此其情為何如他日劉景先胡元範輩以炎為不反者吾不信也事見通鑑宋庠紀年通譜文明本梁簡文帝年號

劉仁軌留守西京

以呂祖謙
標目修

丁丑中書侍郎劉緯之同

三品

以新舊
紀修

三月殺庶人賢

以通鑑修

甲子皇帝率羣臣上

尊號於武成殿丁卯冊皇帝

新紀

夏四月癸酉遷廬陵

王於房州又遷之於均州

以呂祖謙
標目修

閏五月甲子禮部

尚書武承嗣為太常卿同三品

以新紀修

秋七月彗星出於

西方

以新紀修

八月庚寅葬天皇帝於乾陵廟號高宗

以通

修鑑

解題曰歐陽修曰小雅曰赫赫宗周褒姒滅之是時

幽王雖亡而太子立而詩人乃言滅之者以為文武之業於是蕩盡東周雖在不復能興矣其曰滅者甚疾之之辭也武氏之亂唐之宗室戕殺殆盡其賢士大夫不免者十八九以太宗之治其遺德餘烈在人者未遠而幾於遂絕其為惡豈一褒姒之比耶以太宗之明昧於知子廢立之際不能自決卒用昏童高宗溺愛衽席不戒履霜之漸而流毒天下貽禍邦家嗚呼父子夫婦之間可謂難哉可不慎哉

丙午武承嗣罷

新紀

九月甲寅改元及服色官名以東

都為神都

新紀

解題曰此革命之漸也事見通鑑

已巳追尊武氏五世祖考妣裴炎諫不聽

以本紀通鑑修

解題曰按新舊史列傳武承嗣請立七廟及追王父

祖炎諫曰太后天下母以盛德臨朝當存至公不容

追王祖考示自私且獨不見呂氏之敗乎太后曰呂

氏之王權屬生人今追崇先世存沒殊迹安得同哉

炎曰蔓草難圖漸不可長太后不悅而止據此則止是追崇五世若立七廟之事猶以炎之言而止至天授元年乃立七廟於神都通鑑乃云太后不從則是並追崇五世亦不從也餘見通鑑

丁丑柳州司馬李敬業起兵於揚州冬十月甲申遣王鈐衛大將軍李孝逸為揚州大總管拒之裴炎請皇太后反政坐下獄

以呂祖謙
標目修

解題曰按新史列傳豫王雖為帝未嘗省天下事炎

謀乘太后出游龍門以兵執之還政天子會久雨太后不出而止餘見通鑑

壬辰敬業克潤州丙申殺裴炎侍中同三品劉齊賢貶

刺史十一月敬業兵敗於下阿走死

以呂祖謙
標目修

解題曰下阿谿在今高郵軍西北又謂平阿渡

十二月癸卯殺單于道安撫大使程務挺

以新紀
通鑑修

解題曰按新史列傳太后方怫忿一日召羣臣廷讓

曰朕於天下無負若等知之乎羣臣唯唯太后曰朕

輔先帝踰三十年憂勞天下爵位富貴朕所與也天下安逸朕所養也先帝棄羣臣以社稷為託朕不敢愛身而知愛人今為戎首者皆將相何見負之遽且受遺老臣伉扈難制有若裴炎乎世將種能合亡命若徐敬業乎宿將善戰若程務挺乎彼皆人豪不利於朕朕能戮之公等才有過彼早為之不然謹以事朕無詒天下笑羣臣頓首不敢仰視曰惟陛下命此正武氏箝制天下之術也通鑑謂其輕淺棄而不取

餘見通鑑

唐則天順聖皇后武氏垂拱元年春正月丁未朔廬陵

王出居於均州

以唐鑑修

改元

以新舊紀修

解題曰唐史臣沈既濟曰中宗以始年登大位季年

復大業雖尊名中奪而天命未改是以首事表年昔

魯昭公之出春秋書其居曰公在乾侯君雖失位不

敢廢也今請併太后紀合中宗紀每於歲首必書中

宗所居曰某年春正月皇帝在某太后某事改某制

則紀稱中宗而事述太后名不失正禮不違常矣按此蓋朱熹所祖以為綱目者也然呂祖謙大事記之作無所褒貶若用既濟之法而黜武氏是用褒貶也故每歲正月惟書廬陵王皇太子居於某而表年則因史之舊文昔孔子作春秋而亂臣賊子懼其於弑君篡國之主皆不黜絕之豈以其盜而有之者莫大之罪不沒其實所以著其大惡而不隱歟自司馬遷班固皆作高后紀呂氏雖非篡漢然盜執其國政遂

不敢沒其實豈其得春秋之意歟唐之舊史因之列
武后於本紀蓋其所從來遠矣宋庠紀年通譜徐敬
業平故改元新舊史傳春官尚書李思文詭言周書
有垂拱天下治為受命之符后喜皆班示天下稍圖
革命

二月乙巳春官尚書武承嗣同三品

以新紀修

突厥寇邊

以新

紀修

三月丙辰遷廬陵王於房州

以朱熹綱目修

辛酉武承嗣罷

紀新辛未頒垂拱格

紀新

制官民皆得自舉

以朱熹綱目修

秋七月

己酉文昌左丞魏玄同為鸞臺侍郎同三品

以通鑑修

冬十

一月癸卯天官尚書同三品韋待價為行軍大總管擊

突厥

以新紀修

時開告密之門擢胡人索元禮為遊擊將軍

於是周興來俊臣之徒繼起

以通鑑舊傳修

解題曰按新史列傳徐敬業兵興武后患之見大臣

常切齒欲因大獄去異己元禮揣旨即上書言急變

召對擢遊擊將軍則此事當在垂拱之初通鑑因作

銅匱牽連書之若太緩今載於此

唐則天順聖皇后武氏垂拱二年春正月廬陵王出居

於房州

以唐鑑修

二月辛未朔日有食之

以新舊紀修

右衛大將

軍李孝逸左遷刺史

以通鑑修

三月戊申作銅甌新紀冬十月

己巳有山出于新豐縣

以新紀修

唐則天順聖皇后武氏垂拱三年春正月廬陵王出居

於房州

以唐鑑修

閏正月丁卯封皇帝子四人為王

以舊紀修

夏

五月庚午殺劉禕之

新紀

解題曰胡寅曰禕之受知武氏位為宰相苟有所見

面陳之可也況返政大議乎而與人言之是不知害成之戒也雖然不經鳳閣鸞臺何名為勅此則宰相之言也命令之出治亂安危繫焉雖小事不可不謹況殺宰相乎是時與政者六七人無敢執議豈數使然耶抑人不能配三才而幹之也事見通鑑

秋七月丁卯冀州雌雞化為雄

新紀

八月壬子魏玄同

兼檢校納言

以新舊紀修

九月乙卯虢州人楊初成矯制迎

廬陵王於房州不果見殺

以新紀朱熹綱目修

冬十二月壬辰韋

待價為行軍大總管擊吐蕃罷監軍御史

以新紀
通鑑修

解題曰胡寅曰武后不置監軍為可法矣自明皇肅
代德憲皆不免此蔽賢良勸諫終莫肯回用是見后
智術之高控勒四海奇才碩德皆不能出其籠絡豈
偶然哉事見通鑑

是歲大饑

以新紀
修

唐則天順聖皇后武氏垂拱四年春正月廬陵王出居

於房州

以唐
鑑修

甲子增七廟立高祖太宗高宗廟於神都

新紀 立崇先廟祀武氏

以朱熹綱目修

庚午毀乾元殿為明堂

以新

紀通鑑修

夏四月戊戌殺太子通事舍人郝象賢

新紀

武承

嗣獻瑞石命曰寶圖五月乙亥加尊號聖母神皇

以新舊紀修

解題曰甚矣武氏之似王莽也事見通鑑

六月丁亥朔日有食之

新紀

秋八月丙午博州刺史琅

邪郡王冲起兵遣金吾衛大將軍邱神勣拒之戊申冲

死之庚戌豫州刺史越王貞起兵九月遣鳳閣侍郎同

平章事張光輔統諸軍拒之貞死之殺韓王元嘉魯王

靈夔范陽郡王藹黃國公譔東莞郡公融及長樂公主

以新紀傳及通鑑修

冬十一月辛酉殺濟州刺史薛顥及其弟十

二月乙酉殺霍王元軌江都郡王緒及殿中監裴承光

大殺唐宗室幼者流嶺南

以新紀修

乙亥殺左臺大夫同平

章事騫味道

以新紀修

乙酉拜洛受圖

新紀

辛亥改明堂為

萬象神宮僧薛懷義以功拜威衛大將軍梁國公

以新紀通鑑修

唐則天順聖皇后武氏永昌元年春正月廬陵王出居

於房州

以唐鑑修

乙卯享於萬象神宮改元

以新紀修

解題曰宋庠紀年通譜瑞石文云聖后臨人永昌帝業故改元

己未朗州雌雞化為雄

新紀

二月尊考曰周忠孝太皇

妣曰周忠孝太后

以新紀修

三月癸酉天官尚書武承嗣為

納言

以新紀修

夏四月甲辰殺江南郡王煒鄱陽公誼等宗

室十二人

以新紀通鑑修

己酉殺天官侍郎鄧玄挺

新紀

五月

己巳以薛懷義為行軍大總管伐突厥

以新紀通鑑修

秋七月

丁巳流紀王慎於巴州

新紀

韋待價兵敗於寅識迦河

流繡州

以通鑑修

解題曰按新紀垂拱三年十二月書待價為安息道
行軍大總管擊吐蕃舊紀於今年五月始書之通鑑
考異曰實錄垂拱三年十二月壬辰命待價擊吐蕃
至永昌元年五月又云命待價擊吐蕃本傳不云兩
曾將兵遂載於永昌元年今考舊紀及傳皆云待價
坐遲留不進若待價以五月出師七月而敗謂之倉
卒則可謂之遲留則不可蓋待價實以三年出師至

是以其遲留命其進擊舊史誤於此年始書之爾

八月甲申殺內史張光輔及洛州司馬弓嗣業乙未松

州雌雞化為雄辛丑殺陝州刺史郭正一九月庚戌殺

恒山王承乾之子厥

以新紀修

壬子以薛懷義為行軍大總

管伐突厥

以通鑑修

閏九月甲午殺魏玄同夏官侍郎崔謩

冬十月戊午殺武威衛大將軍黑齒常之鷹郎衛將軍

趙懷節己未殺嗣王璿等六人

以新紀通鑑修

唐則天順聖皇后武氏天授元年春正月庚辰朔廬陵

王出居於房州

以唐鑑修

改元載初以十一月為正月十二

月為臘月正月為一月

以新紀通鑑修

解題曰將改國號故用周正與王莽之改商正同宋庠紀年通譜親享明堂以建子為月故改元

改詔曰制

通鑑

乙未除唐宗室屬籍

新紀

臘月殺劉齊

賢

新紀

一月戊子左肅政大夫同三品王本立罷尋殺

之

以新紀修

武承嗣同三品鳳閣侍郎武攸寧為納言

以新舊紀

修甲午流地官尚書同三品韋方質於儋州尋殺之

以通

脩鑑

二月辛酉策貢士於廷

以呂祖謙
標目修

解題曰廷試貢士自此始胡寅曰漢策賢良非試之也延於大廷訪以理道其事重矣若貢士既試於南宮而又試之殿廡是以南宮為不足信也故富弼請罷殿試其說甚當然未能焉則亦悅其名而未察其實爾況其事始於武后尤不可以不革也按新史選舉志唐取士之科多因隋舊然其大要有三由學館者曰生徒由州縣者曰鄉貢皆升於有司而進退之

其科之目有秀才明經俊士進士明法明字明算一
史三史開元禮道舉童子而明經之別有五經三經
二經學究一經三禮三傳史料此歲舉之常選也其

天子自詔者曰制舉所以待非常之才焉

禮部員外郎沈既濟

曰武太后參決大政與天子並太后頗涉文史永隆
中始以文章選士太后君臨天下二十餘年公卿百
辟無不以文章達因循選久浸以成風百餘年間五
尺童子恥不言文墨是以進士為士林華選忠賢為
彥咸出於是而桀
姦無良者或有焉

五月戊子殺春官尚書尚平章事范履冰

以新紀修

己亥殺

梁郡公李孝逸

以新紀修

七月壬午殺豫章郡王亶以侯思

止為游擊將軍

以新鑑修

丁亥殺澤王上金許王素節尋又

殺素節諸子

以新紀修

八月甲寅殺納言裴居道癸亥殺尚

書右丞張行廉

以新紀修

辛未殺安南郡王潁鄆國公昭及

宗室十二人

以新紀修

殺庶人賢二子

以新鑑修

九月壬午改國

號曰周改元

解題曰宋庠紀年通譜天授本劉獲年號

乙酉加尊號曰聖神皇帝以皇帝為皇嗣賜姓武氏皇

太子為皇孫丙戌立武氏七廟於神都並稱帝后封伯父及兄弟之子為王堂兄為郡王

以新紀修

解題曰新舊史列傳承嗣元爽之子三思元慶之子兄弟之子也攸寧攸歸攸望士讓之孫懿宗嗣宗仁範士逸之孫攸暨士稜之孫堂姪也攸宜攸緒惟良之子載德仁範之子延基延秀承嗣之子崇訓崇烈三思之子延暉延祚承業之子姪之子也又攸止重規皆從子也無所謂堂兄為郡王者舊紀書堂姪十

二人為郡王新紀書堂兄當作堂兄弟之子為是

十月檢校內史宗秦客貶遵化尉

以新紀修

辛未內史邢文

偉貶刺史

以新紀修

改唐太廟為享德廟武氏七廟為太廟

新紀

以前秋官郎中徐有功為侍御史

以通鑑修

唐則天順聖皇后武氏天授二年正月廬陵王出居於

房州

以唐鑑修

甲戌改置社稷旗幟尚赤

新紀

戊寅殺雅州

刺史劉行實弟姪等四人

以新紀修

戊子武承嗣為文昌左

相

新紀

乙未殺丘神勣

以新紀修

庚子殺納言史務滋

以新紀修

二月右丞周興流嶺南死索元禮後亦坐死

以通鑑修

四月

壬寅朔日有食之

以新紀修

七月庚午徙關內數十萬戶實

神都

以新舊紀修

八月戊申武攸寧罷

以新紀修

九月壬辰殺鸞臺

侍郎同平章事傅游藝

以新紀修

癸巳羽林衛大將軍武攸

寧守納言洛州司馬狄仁傑為地官侍郎同平章事

以新

紀修十月殺右相同三品岑長倩司禮卿兼納言歐陽通

地官尚書同平章事格輔元鸞臺侍郎同平章事樂思

晦

以新紀修

解題曰張九成曰岑長倩以則天革命請改皇嗣姓
武則天悅之及張嘉福請立武承嗣為皇太子長倩
不從以謂皇嗣已立東宮不可更立以此獲誅人皆
以長倩為不忠於唐宜獲此報張唐英獨言其所以
存皇嗣者固欲存唐室也其不欲立承嗣者恐皇嗣
不得立也其意與陳平順呂后之意同人之不察乃
真以為不忠誤矣事見通鑑

唐則天順聖皇后武氏長壽元年正月廬陵王出居於

房州

以唐鑑修

一月引見存撫使所舉人悉加擢用始有試

官

以呂祖謙標目修

築神都外城

以通鑑修

庚午貶鳳閣侍郎同平

章事任知古及狄仁傑為縣令流冬官侍郎同平章事

裴行本於嶺南

以新紀修

四月丙申朔日有食之改元如意

以新紀修

解題曰宋庠紀年通譜如意本釋書語

八月戊寅武承嗣武攸寧罷夏官侍郎李昭德為鳳閣

侍郎同平章事

以新舊紀修

解題曰奪人位者必忌人之奪其位盜人權者必惡

人之盜其權理固然也武后猜阻鷙悍奄唐神器而有之其心豈能一日自安也哉鰓鰓然惟恐人以已之所以施於唐者而施於已承嗣輩雖其親姪要不過羈縻而已非有恩交義結之情也昭德惟深探其情故能以片言去之而代其位殆如范睢之於穰侯也胡寅曰其為武氏計不思昭德前後所陳如姪不祔姑之說姑姪何如母子之說議論正大是果為武氏計耶為李氏計耶史稱其區區一情抑武興唐必

有能辨之者矣事見通鑑

九月庚子改元

以新舊紀修

以并州為北都

新紀

癸丑流冬

官尚書同鳳閣鸞臺平章事李游道秋官尚書袁智弘

夏官尚書同鳳閣鸞臺平章事王濬司賓卿同平章事

崔神基文昌右丞同平章事李元素於嶺南

以新紀通鑑修

十

月丙戌武威道行軍總管王孝傑大敗吐蕃復四鎮

以新

舊紀修

流監察御史嚴善思於驩州尋復召之

以通鑑修

右補

闕朱敬則侍御史周矩上疏治獄稍衰

以呂祖謙標目修

唐則天順聖皇后武氏長壽二年正月廬陵王出居於

房州

以唐鑑修

戊申文昌左丞同平章事姚璩請令宰相撰

時政記月送史館

以通鑑修

臘月癸亥殺皇嗣妃劉氏德妃

竇氏

以新紀修

丁卯降皇孫五人為郡王

以通鑑修

一月庚子夏

官侍郎婁師德同平章事

以新舊紀修

二月乙亥侍御史侯

思止有罪伏誅

以通鑑修

殺諸道流人

以通鑑修

九月丁亥朔日

有食之

以通鑑修

乙未加尊號金輪聖神皇帝

以新舊紀修

唐則天順聖皇后武氏延載元年正月廬陵王出居於

房州

以唐鑑修

突厥可汗骨篤祿卒弟默啜立臘月甲戌寇

靈州

以呂祖謙標目修

一月甲午婁師德為河源等軍營田大

使

以新紀修

二月己卯王孝傑敗吐蕃於冷泉及大嶺

以新紀修

三月以薛懷義為行軍大總管率十八將軍擊突厥鳳

閣侍郎同平章事蘇味道檢校內史李昭德為司馬長

史

以通鑑修

四月王孝傑同三品

以新紀修

五月甲午加尊號改

元

以新紀修

七月癸未山人武什方為正諫大夫同平章事

八月罷

以新紀修

流鸞臺侍郎同平章事崔元綜於振州

以新

修紀

九月壬午朔日有食之

新紀

殿中丞來俊臣坐貶

以通

修鑑

壬寅貶檢校內史李昭德為南賓尉

以呂祖謙標目修

唐則天順聖皇后武氏天冊萬歲元年

解題曰宋庠紀年通譜南郊受天冊金輪聖神之號

司籙局人於水際得石函有玉冊云神皇萬忠輔聖

母長安故改元天冊萬歲與孫皓天冊同義

正月廬陵王出居於房州

以唐鑑修

辛巳加尊號改元證聖

以新紀修

丙申萬象神宮火

新紀

二月己酉朔日有食之

本紀

壬子薛懷義伏誅

紀新修

四月建大周萬國頌德天樞

新紀

七月辛酉以王孝傑為行軍大總管伐吐蕃

紀新修

九月

甲寅祀南郊改號天冊金輪大聖皇帝改元

紀新修

以崇

先廟為崇尊廟

新紀

十月突厥請降

紀新修

唐則天順聖皇后武氏萬歲通天元年正月廬陵王出

居於房州

以唐鑑修

臘月甲申封神嶽改元萬歲登封丁亥

禪少室癸巳復於神都

紀新修

一月甲寅婁師德為行軍

副總管擊吐蕃

紀新修

巳巳改崇尊廟為太廟

新紀

二月

壬寅王孝傑婁師德敗於素羅汗山

以新紀修

解題曰見漢永平十六年解題

丁巳復作明堂曰通天宮改元

以新紀修

四月免王孝傑為庶

人貶婁師德為司馬

以新紀修

五月壬子契丹首領李盡忠

孫萬榮反陷營州乙丑遣鷹揚衛將軍曹仁師等擊之七

月辛亥以春官尚書武三思為安撫大使以備之八月丁

酉仁師等敗於黃陂谷九月庚子以同州刺史武攸宜為

行軍大總管擊之

以新紀通鑑修

突厥默啜求婚

以呂祖謙標目修

十月辛

郊李盡忠死孫萬榮領其衆陷冀州

以呂祖謙
標目修

以彭澤令

狄仁傑為冀州刺史以夏官郎中姚崇為侍郎

以呂祖謙
標目修

唐則天順聖皇后武氏神功元年正月廬陵王出居於

房州

以唐
鑑修

族誅鳳閣侍郎同平章事李元素夏官侍郎

同平章事孫元亨等三十六家

以新紀
通鑑修

甲子婁師德守

鳳閣侍郎同平章事

以新
紀修

三月庚子王孝傑及孫萬榮

戰於東硤石谷兵敗死之

以呂祖謙
標目修

解題曰新史地理志平州有西硤石東硤石

立突厥默啜可汗

以朱熹綱目修

四月鑄九鼎

以舊紀修

癸未金吾

衛大將軍武懿宗為行軍大總管五月癸卯婁師德為

行軍副大總管擊契丹

以新舊紀修

六月辛卯司僕少卿來

俊臣伏誅亦殺監察御史李昭德

以新紀修

解題曰王莽以符命而篡漢既已得志遂禁符命之

說以掩前日之迹武后以刑誅而篡唐既已改物則

以刑誅為周興等之過而掩前日之非事見通鑑

突厥襲契丹孫萬榮兵潰死

以通鑑修

戊子特進武承嗣春

官尚書武三思同三品

以新紀修

辛卯婁師德安撫河北

以新

紀修七月武承嗣三思罷

以新紀修

九月壬寅改元

以新紀修舊

解題曰宋庠紀年通譜平契丹故改元

庚戌婁師德守納言

新紀

閏十月甲寅檢校司刑卿幽

州都督狄仁傑為鸞臺侍郎同平章事

以新紀修舊

置員外

官數千人

以通鑑修

大事記續編卷五十三

欽定四庫全書

大事記續編卷五十四

明 王禕 撰

唐則天順聖皇后武氏聖歷元年正月甲子朔廬陵王

出居于房州改元

以通鑑脩

解題曰宋庠紀年通譜將復召廬陵王故改元

三月己巳召廬陵王于房州戊子廬陵王至自房州

新以

紀脩

解題曰按新舊史列傳后欲以武三思為太子以問

宰相衆莫敢對狄仁傑曰臣觀天人未厭唐德今欲
繼統非廬陵王莫可后怒罷議久之召謂曰朕數夢
雙陸不勝何也於是仁傑與王方慶俱在二人同辭

對曰雙陸不勝無子也天其意者以儆陛下乎

洪邁曰新

史載舊史不載通鑑但書鸚鵡折翼一事而考異云
雙陸之說世傳李邕所作狄梁公傳有之詞多鄙誕
故不取藝文志有李繁說纂其忠節門曰武后問石
泉公王方慶曰朕夜夢雙陸不勝何也蓋謂宮中無
子意者恐有神靈儆夫陛下后召廬陵王復其儲位
俾石泉公為宮相輔翊之新史蓋兼采二李之說而
莫辨其為王狄也通鑑去之文皇帝身蹈鋒鏑勤勞而有天下傳

之子孫先帝寢疾詔陛下當國陛下掩神器而取之
十有餘年又欲以三思為後且姑姪與母子孰親陛
下立廬陵王則千秋萬歲後常享宗廟三思立廟不
祔姑內史王及善密贊其謀后

舊史本文作則天後倣此

亦漸悟

右肅政臺中丞吉頊素與張易之兄弟親善俱為控
鶴監內供奉易之兄弟以寵盛思自全問頊計安出
頊曰公家以倖進非有大功於天下勢必危吾有不
朽策願効之非止保身且世世不絕胙易之流涕請

頊曰天下思唐久矣廬陵斥外相王幽閉上春秋高
須有付託武氏諸王殊非屬意公盍從容請建立廬
陵及相王以副人望易弔為賀之資也易之昌宗然
其言遂乘間奏請后知頊預謀召見問狀頊曰廬陵
相王皆陛下子先帝顧託於陛下當有主意后意乃
定遣徐彥伯迎廬陵王於房州王至后匿王帳中召
見仁傑時吉頊已貶琰州尉語廬陵事仁傑敷請切至涕下不
能止后乃使王出曰還爾太子仁傑降階泣賀已奏

曰太子歸未有知者人言紛紛何所信后然之更令太子舍龍門具禮迎還中外大悅餘見通鑑初王慶之等請立武承嗣為太子宰相岑長倩格輔元陳其不可竟以坐死賴李昭德發明未聞姪為姑立廟之論又進姑姪何如父子之說后始畧為之感動然有私謁皇嗣而斬者告皇嗣有異圖者誣皇嗣廬陵與南北牙同反者猶踵見此承嗣三思所以營求愈切也仁傑每從容言文皇天下當傳之子孫取昭德姑

姪立廟之意兼舉而力陳之后方且對以家事不當預知及吉頊為二張謀承間屢言后意乃定頊之精忠雖未必如仁傑然當機之發不費辭而事濟固不可以人廢言也舊史亦稱中宗在房陵吉頊李昭德皆有匡復讜言固未有非之者而猶或譏其假善以濟私盍亦深攷其故也

四月辛丑婁師德為隴右諸軍大使

以新紀脩

八月突厥寇

邊豹韜衛將軍閻知微降之

以新紀脩

戊戌太子太保武承

嗣卒

鑑以通脩

庚子春官尚書武三思檢校內史狄仁傑兼

納言

紀以新脩

遣司屬卿武重規等為大總管四道擊突厥

紀以新脩

九月甲子夏官尚書武攸寧同三品

紀以新脩

壬申廬

陵王立為皇太子復名顯甲戌為河北道行軍元帥擊

突厥狄仁傑副之時突厥據地萬里西北諸夷皆附之

紀以新脩

十月命河內王武懿宗九江王武攸歸領都下屯

兵

鑑以通脩

癸卯狄仁傑為河北安撫大使

紀以新脩

夏官侍郎

姚崇同平章事

紀以新脩

夷閭知微三族

鑑以通脩

唐則天順聖皇后武氏聖歷二年正月皇太子在東宮

以朱熹綱目脩壬戌以皇嗣為相王以新紀脩甲子司衛卿張易之

為控鶴監銀青光祿大夫張昌宗為控鶴監內供奉以通

脩鑑臘月戊子左肅政臺中丞吉頊為天官侍郎右肅政

臺御史中丞魏元忠為鳳閣侍郎並同平章事以新紀通鑑脩

辛亥賜皇太子姓武氏以新紀二月庚申武攸寧罷以新紀脩三

月婁師德為納言以新紀四月吐蕃論贊婆降以通鑑脩壬辰

魏元忠為天兵軍大總管婁師德副之以備突厥以新紀通

脩鑑八月婁師德薨

以呂祖謙標目脩

戊申武三思為內史

以新紀脩

唐則天順聖皇后武氏久視元年正月皇太子在東宮

以朱熹綱目脩

戊午貶吉頊為琰州尉

新紀

壬申武三思罷

新臘紀

月丁酉狄仁傑為內史

新紀

一月作三陽宮

新紀

五月巳酉

朔日有食之

以新紀脩

癸丑改元罷天冊金輪太聖號

以新舊紀

脩

解題曰宋庠紀年通譜疾平改元故取老子久視長

生之語

六月改控鶴為奉宸府以張易之為令

以通鑑脩

閏七月丁

酉吐蕃寇涼州隴右諸軍大使唐休璟敗之于洪源谷

八月庚申魏元忠為隴右諸軍大總管擊吐蕃

以新紀脩

月辛丑梁文惠公狄仁傑薨所薦荊州長史張柬之監

察御史桓彥範秦州刺史敬暉等數十人

以呂祖謙標目脩

解題曰范仲淹曰商有三仁弗救其滅漢有四皓正

於未奪嗚呼武暴如火李寒如灰何心不隨何力可

回我公哀傷拯天之亡逆長風而孤騫遡大川以獨

航金可革公不可革孰為乎剛地可動公不可動孰
為乎方一朝感通羣陰披攘天子既臣而皇天下既
周而唐七世發靈萬年垂光噫非天下之至誠其孰
能當餘見通鑑

十月甲寅復唐正月

以新紀脩

解題曰皇太子既在東宮所以用唐正月也

唐則天順聖皇后武氏長安元年春正月皇太子在東

宮

以朱熹綱目脩

丁丑改元大足

以新紀脩

解題曰宋庠紀年通譜成州有大人之跡故改元大

足

五月魏元忠為靈武道大總管以備突厥

以新紀脩

九月壬

申殺皇太子子邵王重潤等

以新紀脩

丙申以相王旦知左

右羽林衛大將軍事

以呂祖謙標目脩

十月壬寅如西京辛酉

改元

以新紀脩

丙寅魏元忠同三品

以新紀

十一月壬申武三思

罷

以新紀

戊寅改含元宮為大明宮

以呂祖謙標目脩

以主客郎中

郭元振為涼州都督

以舊紀通鑑脩

唐則天順聖皇后武氏長安二年春正月皇太子在東

宮

以朱熹綱目脩

乙酉設武舉

朱熹綱目

突厥入寇

以舊紀脩

九月乙丑

朔日有食之不盡如鉤

以新紀脩

十月姚元宗同平章事

新紀

十一月命監察御史蘇頲按覆來俊臣等所推獄雪免

者甚衆

以呂祖謙標目脩

十二月戊申置北庭都護府於庭州

以通鑑脩

唐則天順聖皇后武氏長安三年春正月皇太子在東

宮

以朱熹綱目脩

三月壬戌朔日有食之

以新紀脩

七月壬寅正諫

大夫朱敬則同平章事

以新紀脩

九月庚寅朔日有食之既

鑑通

解題曰胡寅曰呂后末年日食既后惡之曰此為我也未幾而卒武后至是日食再既明年亦卒日者至陽之精人君之表今乃為女主之應乎夫陽不競而陰慝作理固然也今武氏反陰為陽居中履極掩唐虞之舊域頒正朔於八荒其氣馘所感上致日星之變不亦宜乎

丁酉貶魏元忠為高要尉

以新舊紀脩

十月丙寅如神都

以新

紀脩是歲西突厥為突騎施所併

以呂祖謙標目脩

唐則天順聖皇后武氏長安四年春正月皇太子在東

宮

以朱熹綱目脩

丁未毀三陽宮作興泰宮

以通鑑新紀脩

二月壬申

朱敬則罷

以新紀脩

三月出鳳閣侍郎韋嗣立等二十人為

刺史

以呂祖謙標目脩

六月辛酉姚崇罷

以新紀脩

乙丑天官侍郎

崔玄暉為鸞臺侍郎同平章事壬午相王府長史姚崇

兼夏官尚書同三品

以新紀脩

十月辛酉姚崇為靈武道安

撫大使崇舉秋官侍郎張東之甲戌東之同平章事

以通

脩鑑

解題曰鼂補之曰按狄仁傑傳則天嘗問仁傑朕要
一好漢任使仁傑曰豈非文士齷齪思得奇才用之
以成天下之務乎則天曰此朕心也仁傑曰荊州長
史張柬之其人雖老宰相才也乃召拜洛州司馬它
日又求賢仁傑曰前言張柬之未用也則天曰已遷
矣仁傑曰臣薦宰相今為司馬非用之也又遷為秋

官侍郎竟召為相果興復中宗而東之傳乃專言姚
崇薦之以其時攷之仁傑初薦在荊州時再薦乃為
秋官侍郎逮崇之薦時已在秋官矣或者則天聞仁
傑之言已深知東之因崇繼薦遂至大用非崇一言
便為相也又傳曰仁傑所拔用至公卿者數十人崇
自是仁傑薦用則天信重二人固自有間舊史未深
攷爾餘見通鑑

葉適曰東之作相數月便能誅二張
返正使其處仁傑地位必不如是遲

也緩

御史中丞宋璟請下張昌宗獄不從

以通鑑
目錄脩

大事記續編卷五十四

欽定四庫全書

大事記續編卷五十五

明 王禕 撰

唐中宗皇帝神龍元年

解題曰宋庠紀年通譜古者人君即位歲中不改元所以申孝道踰年必改元所以正君統二者國體之本以禮為界雖聖哲愚亂皆勉企及中宗遭罹廢黜中興唐祚既踰年而不改武周之朔非無法之甚歟春正月壬午朔皇太子在東宮

以朱熹綱目脩

改元癸卯麟臺

監張易之春官侍郎張昌宗謀作亂張東之崔玄暉及羽林衛將軍敬暉桓彥範司刑少卿袁恕已等率羽林兵入禁中誅之併其兄司禮少卿同休等洛州長史薛季昶請誅武三思不從甲辰皇太子監國袁恕已為鳳閣侍郎同平章事丙午皇太子復位相王旦為安國相王太尉丁未遷武氏于上陽宮戊申上尊號曰則天大聖皇帝庚戌張柬之袁恕已同三品崔玄暉守內史敬暉為納言桓彥範守納言餘官賞有差二月甲寅復國

號唐郊廟百官服色皆如故以神都為東都北都為并

州

以新舊紀
通鑑脩

解題曰按新舊唐書紀傳柳芳唐歷實錄則天不豫
張易之昌宗恐後為皇太子所誅入閣侍疾潛圖逆
亂張柬之與桓彥範敬暉等建策將誅之柬之謂右
羽林大將軍李多祚曰將軍居北門幾何曰三十年
曰將軍貴寵當代非大帝恩乎多祚泣數行下曰死
且不忘柬之曰今在東宮乃大帝子而嬖豎擅朝危

逼宗社國家廢興在將軍將軍誠有意乎曰苟利國
家惟相公處分不敢顧身及妻子因指天地以自誓
遂定謀初東之代揚元琰共乘艫江中私語外家革
命元琰悲涕慷慨志在王室東之執政引為右羽林
將軍謂曰江上之言君詎忘之今可以勉又以彥範
敬暉李湛並為左右羽林將軍委以禁兵易之等疑
懼靈武大總管姚崇自屯所還遂參計議以武攸宜
為羽林大將軍易之乃安時太子於北門起居彥範

暉因得謁見密陳大計太子從之癸卯玄暉東之彥

範暉湛左威衛將軍薛思行等率左右羽林兵及千

騎

千騎後為萬騎又為龍武軍

五百餘人討易之昌宗令湛多祚

太子典膳部王同皎就東宮迎太子至玄武門指麾

將士太子拒不許同皎曰逆豎反道顯肆不軌諸將

與南衙執事刻期誅之須殿下到以係衆望太子曰

上方不豫得無不可乎同皎曰將相毀家族以安社

稷奈何欲內之鼎鑊乎太子自出諭之衆乃止太子

猶豫同皎即扶上馬從至玄武門殿中監田歸道押
千騎宿衛玄武門暉等遣使就索千騎拒不與斬關
入斬易之等廡下湛率所部兵直至太后所寢長生
殿環繞侍衛因奏臣等奉令誅逆臣易之昌宗恐漏
大謀不獲預奏頓首請歸死后曰我於而父子不薄
亦豫是耶后見中宗曰乃汝耶豎子誅可還宮彥範
進曰太子今不可以歸往天皇棄羣臣以愛子託陛
下今久居東宮羣臣思天皇之德不血刃清內難此

天意人事歸李氏惟陛下傳位萬世不絕后乃卧不
復言又令金吾將軍收易之兄汴州刺史昌期司禮
少卿同休從父弟通事舍人景雄悉斬之並梟首天
津橋南士庶見者莫不相賀或鑿割其肉一夕都盡
袁恕已從相王統南衙兵南衙者諸衛兵也時彥範等將北軍故恕已統南衙
兵以備非常甲辰皇太子監國大赦天下恕已為鳳
閣侍郎平章事乙巳傳位皇太子丙午即皇帝位赦
天下惟易之黨與不在原限為周興來俊臣所枉陷

者咸令雪免内外文武官加兩階三品已上加爵二等入五品等特減三考相王拜太尉同鳳閣鸞臺三

品公主加鎮國太平公主丁未太后徙上陽宮

韋述兩京

記在皇城西南南臨洛水西距穀水新史志在禁苑之東東接皇城之西南隅上元中置高宗之季常居

以聽政

戊申帝率百官上尊號曰則天大聖皇帝庚戌

東之為夏官尚書同鳳閣鸞臺三品玄暉為内史恕已同鳳閣鸞臺三品敬暉桓彥範為納言李多祚封遼陽郡王同皎為右千牛將軍琅邪郡公李湛為羽

林大將軍趙國公餘封各有差餘見通鑑孫甫曰舊
史書武后傳位於中宗蓋史官諱其事也然彥範傳
書武三思以武后為彥範等所廢常深憤怨是廢之
為實唐之天下高祖太宗之天下也高宗以子託后
后奪其位僭竊大號毒流內外踰二十年不道至此
若終身無禍何以垂戒於後况實廢之安可諱也若
以彥範等奉子而廢母於事不順是不達其理春秋
莊公元年夫人孫于齊以悖亂之事去其氏而貶之

春秋之法可見矣用春秋之法為唐貶絕罪人則可以垂戒於後矣

貶鳳閣侍郎同平章事韋承慶為高要尉流正諫大夫

同平章事房融於高州

以新紀通鑑脩

姚崇罷

以新紀脩

甲子復皇

后韋氏贈其父玄貞上洛王

以呂祖謙標目脩

大赦

以新紀

復宗室

死于周者官爵

以新紀

丙寅太子賓客武三思為司空同三

品

以新紀脩

貶譙王重福為濮州刺史尋徙之均州

以通鑑脩

丁

卯散騎常侍武攸暨為司徒

以新舊紀脩

解題曰按新舊史列傳二張之誅也張東之勒兵景

運門

長安志在東內京輔黃圖西內太極宮宮城南面東畔第一門未知孰是會要外命婦朝參景

運門放出將遂夷諸武洛州長史薛季昶勸曰二凶雖誅

產祿猶在請除之會日暮事遽彥範不欲廣殺因曰

三思机上肉爾留為天子藉手季昶嘆曰吾無死所

矣朝邑尉劉幽求謂桓彥範敬暉曰三思尚存公輩

終無葬地若不早圖噬臍無及不從

按舊史薛季昶敬暉傳唐統紀

唐歷狄梁公傳皆以為張東之敬暉不欲誅三思通鑑因之韓琬御史臺記云張東之勒兵于景運門將

收諸武誅之彥範不從新史蓋本此葉適乃云東之
等初不欲除三思止是薛季昶有言不知新史何所
據而云然是事見通鑑
殆未深考也

辛未安國相王旦罷

紀新

丁丑武三思武攸暨罷

紀新

立子

二人為王

紀以本脩

三月甲申詔昭洗文明後破家者

紀以新脩

夏四月辛亥桓彥範為侍中袁恕已為中書令

紀以新脩

以

方士鄭普思為秘書監尚衣奉御葉靜能為國子祭酒

以通鑑脩

丁卯魏元忠為衛尉卿同平章事

以通鑑脩

辛未敬暉

為侍中甲戌魏元忠崔玄暉檢校益府長史韋安石並

為吏部尚書涼州都督唐休璟為輔國大將軍同三品

乙亥張柬之為中書令

以新紀通鑑脩

五月壬午遷武氏神主

于崇恩廟乙酉立太廟社稷于東郊

新紀

甲午敬暉等五

人罷為郡王尋出崔玄暉為梁州刺史

以呂祖謙標目脩

降河

內王武懿宗等十二人爵為公

以通鑑脩

甲辰特進豆盧欽

望唐休璟為左右僕射六月癸亥欽望共平章軍國重

事是後專拜僕射者不復為宰相

以新紀通鑑脩

韋安石為中

書令魏元忠為侍中

新紀

秋七月辛巳太子賓客韋巨源

同三品

以新紀脩

出張東之為襄州刺史

以通鑑脩

追冊妃趙氏

為皇后

以新紀

九月癸巳韋巨源罷

以新紀

冬十月帝幸龍門獵

於新安

以新紀

辛未魏元忠為中書令

以新紀脩

十一月戊寅上

帝后尊號

以呂祖謙標目脩

己丑帝幸洛城南門觀潑寒胡戲

以新紀脩

壬寅則天大聖皇后崩廢崇恩廟

以新紀通鑑脩

唐中宗皇帝神龍二年春正月戊寅吏部尚書李嶠同

三品

以新紀脩

閏正月丙午制公主開府

以呂祖謙標目脩

出敬暉

桓彥範袁恕已為諸州刺史

朱熹綱目

三月乙未禮部尚書

韋巨源為刑部尚書同三品

以新紀修

丙申遣十道巡察使

新紀

解題曰按會要通典貞觀十八年遣十七道巡察二十年遣二十一人以六條巡察四方垂拱二年諸道巡察使科目四十四件神龍置一道二人再暮而代景雲改按察使道各一人開元十年省十七年復置二十二年改置採訪處置使

三月甲辰韋安石罷戶部尚書蘇瓌守侍中戊申唐休

璟罷

以新紀修

庚戌殺光祿卿駙馬都尉王同皎等

以新紀修

解題曰按新舊史列傳武三思烝濁王室同皎惡之與張仲之祖延慶周璟李悛冉祖雍謀須武后靈駕發伏弩射殺三思會播州司兵參軍宋之遜以外妹妻延慶延慶辭之遜固請乃成昏延慶不復疑故之遜子曇得其實之遜兄之問嘗舍仲之家亦得其謀令曇密語三思遣俊上急變且言同皎欲擁兵闕下廢皇后帝殊不曉大怒斬同皎於都亭驛餘見通鑑

大置員外官

以呂祖謙
標目脩

夏四月殺處士韋月將黃門侍

郎宋璟爭之尋出為貝州刺史

以通鑑脩

解題曰范祖禹曰自古殺諫臣未有不亡國者中宗

愚闇足以取亡而高祖太宗德澤未遠人心天命未

厭唐也故禍及其身而已矣事見通鑑

五月庚申合葬則天大聖皇后於乾陵

以新紀
通鑑脩

六月戊

寅貶敬暉桓彥範袁恕己崔玄暉張柬之為遠州司馬

以朱熹綱目修秋七月戊申立衛王重俊為皇太子

以呂祖謙
標目脩

丙寅魏元忠為右僕射兼中書令李嶠守中書令

以新紀脩

流敬暉桓彥範袁恕已崔玄暉張柬之于遠州武三思

尋殺之

以呂祖謙標目脩

冬十月癸巳蘇瓌為侍中

新紀

戊戌帝

至自東都

以呂祖謙標目脩

十一月戊午流鄭普思于儋州

以舊

紀脩

十二月己卯突厥入寇靈武大總管沙吒忠義敗于

鳴沙

以新紀通鑑脩

解題曰按元和郡縣志神龍二年鳴沙為默啜所寇

遂移縣於廢豐安城即今縣治西枕黃河人馬經此

沙隨有聲故號

新史地理志咸亨以靈州故鳴沙縣地置威州有鳴沙縣今環州地也通

典沙州燉煌有鳴沙山非此

丙申魏元忠為左僕射

以新紀脩

時帝女安樂公主用事

以呂

祖謙標目脩

解題曰按新史列傳公主私請廢太子求為皇太女

帝以問左僕射魏元忠元忠曰公主而為皇太女駙

馬都尉當何名主恚曰山東木彊安知禮阿母子尚

為天子天子女有不可乎元忠固稱不可自是語塞

餘見通鑑

唐中宗皇帝景龍元年春二月丙戌復武氏廟陵置韋

氏廟陵

以通鑑脩

夏四月辛巳以公主妻吐蕃

以呂祖謙標目脩

六

月丁卯朔日有食之

新紀

秋七月辛丑皇太子重俊與羽

林大將軍李多祚等誅武三思及其子崇訓兵潰重俊

等見殺

呂祖謙標目脩

解題曰按新舊史列傳元忠嫉三思專權用事思有

以誅之會節愍太子起兵與聞其謀太子已誅三思

引兵走闕下遇元忠子太僕少卿昇於永安門脅使
從戰太子兵至玄武樓下多祚等猶豫不戰元忠又
持兩端由是不克昇為亂兵所殺帝以其嘗有功且
為高宗武后素所禮置不問宗楚客紀處訥大怒固
請夷其族不聽元忠不自安上政事及國封詔以特
進齊國公致仕餘見通鑑唐書備闕孝和以韋氏專
權與三思姦又欲加三思
虎賁三百人欲為弑逆乃密詔太子與多祚等誅三
思及多祚被殺百官來朝反悲泣說太子枉殺三思
賴韋后保護朕躬
聞者莫不嗤笑

八月丙戌上帝后尊號

以新紀脩

魏元忠罷尋貶死

以新紀脩通鑑

九月丁酉吏部侍郎蕭至忠為黃門侍郎兵部尚書宗

楚客左衛將軍紀處訥同三品

以新紀脩

庚子改元

以新紀脩舊

解題曰宋庠紀年通譜受尊號即位涉三年始改元

云

辛亥韋巨源紀處訥為侍中蘇瓌罷

以新紀脩

壬戌改羽林

千騎為萬騎

以舊紀脩

冬十月戊寅殺習藝館內教蘇安恒

新紀壬午彗星出于西方

以新紀脩

十二月乙丑朔日有食之

紀以新脩

唐中宗皇帝景龍二年春二月癸未有星隕於西南

新紀

三月丙辰朔方大總管張仁愿築三受降城於河上

新紀

解題曰按新史地理志在豐州元和郡縣志東城本

漢雲中郡地在勝州榆林縣東北八里後屬振武節

度中城本漢五原郡有天德軍西城漢朔方郡地在

豐州西北八十里

李華張仁亶廟碑據河山翫其動靜納行旅歸之衽席憑墉而望匹

馬單兵不匿形影虜由是械手足而剗腹心朝廷無草竊之虞天下減征役之半矣

秋七月癸巳朔張仁愿同三品

以呂祖謙
標目脩

冬十一月庚

申西突厥突騎施苜婆葛犯塞殺使者癸未將軍牛師
獎戰于火燒城敗死安西陷以娑葛為可汗

以呂祖謙
標目脩

解題曰按新史突厥傳突騎施烏質勒西突厥別種

賀魯滅屯碎葉西北稍攻得碎葉居之謂碎葉川為

大牙弓月城伊麗水為小牙其地東隣北突厥西諸

胡東直西庭州神龍封懷德郡王其子娑葛襲封餘

見通鑑

欽定四庫全書

史部

大事記續編卷五十六至

詳校官檢討臣朱依吳

編修臣裴謙覆勘

總校官編修臣倉聖脉

校對官助教臣胡予襄

謄錄舉人臣鍾廷瑛

欽定四庫全書

大事記續編卷五十六

明 王禕 撰

唐睿宗皇帝景雲元年春正月帝及后為微行

以新紀脩

月以河源九曲予吐蕃

新紀

解題曰按會要天寶十三載以黃河九曲置洮陽郡及神策軍於臨洮之西二百里置澆河郡及宛秀軍於積石軍之西百里以實河曲之地洮陽今洮州澆河城趙充國所築在廓州達化縣西

夏四月殺定州郎岌五月丁卯殺許州司兵燕欽融六月壬午皇后韋氏及安樂公主弒帝秘不發喪以溫王重茂為皇太子徵府兵屯京師韋溫總知兵馬刑部尚書裴談工部尚書張錫同三品吏部尚書張嘉福中書侍郎岑義吏部侍郎崔湜同平章事甲申發喪皇后自立為皇太后臨朝攝政太子重茂即皇帝位改元唐隆安國相王為太尉封其子壽春郡王成器為王庚子臨淄郡王隆基率萬騎入北軍誅韋氏及安樂公主等辛

丑封隆基為平王朝邑尉劉幽求為中書舍人總苑監
鍾紹京為中書侍郎參知機務黃門侍郎李日知同三
品紹京尋罷紀處訥韋溫宗楚客張嘉福諸韋武黨皆
伏誅出蕭至忠韋嗣立趙彥昭崔湜為諸州刺史平王
隆基同三品甲辰相王旦即皇帝位廢重茂為溫王

以新

舊紀傳呂祖
謙標目脩

解題曰按新舊史紀傳志實錄景龍文館記陸贄玄
宗編遺錄初武三思通於韋氏欲行篡逆國子祭酒

葉靜能善符禁小術散騎常侍馬秦客閑醫藥光祿少卿楊均以調膳皆出入宮掖得幸於后燕欽融直言其事雖殺欽融而中宗怏怏不樂韋氏恐變生安樂公主欲后臨朝而求為皇太女丁丑遂鴆帝六月壬午帝覺鴆發召馬秦客因是又持鴆毒焉帝崩于神龍殿在西內兩儀殿北甘露殿東蓋帝自東都之還不居東內而居西內后懼秘不發喪引所親入禁中謀自安之策召郎將蕭瑊等二十餘人各令守捉諸門徵衛兵千餘分屯重城以刑

部尚書裴談工部尚書張錫並同中書門下三品依
舊東都留守又命左金吾大將軍趙承恩左監門大
將軍薛簡帥兵五百人備譙王重福立溫王重茂為
太子安國相王旦為太子太師癸未召府兵五萬屯
京城分為左右營以吏部尚書張嘉福中書侍郎岑
羲吏部侍郎崔湜並同中書門下平章事甲申發喪
於太極殿西內正殿遺制皇后知政事安國相王參
謀政事宗楚客謂韋溫曰皇后臨朝相王輔政嫂叔

不通問難為儀注理全不可僕射蘇瓌曰遺制是先
帝意安可更改楚客及溫大怒遂削相王輔政而宣
行馬大赦天下改元唐隆進相王旦為太尉韋溫總
知內外兵馬立妃陸氏為皇后壬辰遣使諸道巡撫
紀處訥關內道張嘉福河北道岑羲河南道韋溫宗
楚客武延秀等說后託圖讖韋氏當受命謀害少主
駙馬韋捷韋濯分掌左右屯營武延秀及溫從子播
族弟璿外甥高崇共典羽林軍及飛騎中書舍人韋

元徽循六街廣招不逞連結中外宗楚客與弟將作
大匠晉卿及太常少卿李曳少匠李守貞日夜速令
延秀起事楚客溫深憚相王太平公主屬尊欲先除
之然後發相王子隆基常陰引材力之士以自助初
太宗擇官戶蕃口中少年驍勇者百人每出遊獵令
持弓矢於御馬前射生令騎豹文韉著畫虎文衫謂
之百騎則天時謂之千騎分隸左右羽林營孝和謂
之萬騎亦置使領之隆基接其豪俊或賜飲食財帛

以此歸心焉時楚客為朋黨崔日用附之驟遷兵部
侍郎恐禍及已乃因沙門普潤道士王曄密報隆基
隆基乃與公主及苑總監鍾紹京前朝邑尉劉幽求
長上折衝麻嗣宗等定策誅之韋播韋璿拜官日鞭
督萬騎士怨不為之用果毅葛福順陳玄禮訴於隆
基諷之皆願效死或曰先啟大王隆基曰請而從是
王與危事不從則吾計失矣庚子乙夜福順李仙鳧
至隆基曰舊史傳作玄宗與公等除大逆安社稷各取富貴

在於俄頃何以取信福順等請號而行政玄武門景龍

元年改為神武門樓為制勝樓

斬韋璿韋播高嵩於寢帳令曰韋氏

酖殺先帝欲危社稷今韋氏馬鞭以上皆斬立相王

以安天下敢有助逆者罪及三族衆歡叫大集攻白

獸玄德等門

宋敏求長安志東宮北門曰玄德門

斬關而進左萬騎自

左入右萬騎自右入會於凌烟閣前隆基自苑南入

西內苑接太極宮之北故自苑南入

鍾紹京率丁匠百餘以從太極殿

前有宿衛梓宮萬騎聞譟聲皆被甲應之韋后惶惑

遁入殿前飛騎營

唐書補闕方欲就女兵求救

為亂兵所害武延

秀與安樂公主在內宅格戰良久皆斬之

新史傳公主方覽鏡

作眉聞亂走至右延明門兵及斬其首通鑑取其說吳鎮糾繆曰玄宗起事在夜而主方覽鏡作眉何為哉斯妄也設使其事誠然亦不足書也斬內將軍賀婁氏於太極殿西

始上官婉兒從母子王昱為拾遺戒婉兒母鄭曰上

往囚房陵武氏得志矣卒而中興天命所在不可幸

也三思雖乘釁天下知必敗今昭容上所信而附之

且滅族鄭以責婉兒不從節愍誅三思果索之始憂

懼及草遺制即引相王輔政臨淄王兵起被收婉兒
以詔草示劉幽求幽求言之王王不許遂誅之少帝
時在太極殿劉幽求曰衆期今夜立相王何不早定
臨淄王止之分遣誅馬秦客葉靜能楊均比明馳謁
相王謝不先啟之罪相王泣曰宗社安定汝之力不
然吾且及難皇城及京城門並閉相王奉少帝御安
福門大赦分遣萬騎捕諸逆黨斬韋溫宗楚客宗晉
卿趙履溫諸韋無少長皆斬之並懸首於市

新傳楚客嘗密

語其黨曰始吾在卑位尤愛宰相及居之又思天子
南面一日足矣雖外附韋氏而內蓄逆謀故卒以敗
左僕射韋巨源為亂兵所殺進封臨淄王為平王兼
知內外閑廐兼押左右萬騎鍾紹京守中書侍郎劉
幽求守中書舍人並參預機務麻嗣宗雲麾將軍行
左右金吾衛翊府中郎將薛崇簡太僕卿立節郡王
餘封拜有差追戮紀處訥于華州遣使分行諸道宣
諭仍往均州慰勞譙王壬寅以宋王成器衡陽王成
義為左右衛大將軍巴隆王隆範彭城王隆業為左

右羽林衛大將軍紹京及黃門侍郎李日知並同中書門下三品中書令蕭至忠為許州刺史兵部尚書韋嗣立為宋州刺史中書侍郎趙彥昭為絳州刺史吏部侍郎崔湜為華州刺史癸卯平王隆基同中書門下三品鍾紹京行中書令張嘉福伏誅於懷州王公百寮上表咸以國家多難宜立長君相王衆望所歸宜即尊位甲辰少帝令太平公主請讓于相王王固辭其夜幽求謂宋王成器平王隆基曰相王昔臨

天下謳歌所屬今不即位禍難不息平王以為王

實錄

作上後
倣此

性虛淡不以世事嬰心況子姪之間必不忍

代位幽求曰衆望所歸豈不為社稷計平王等極言

於王乃從之王出太極殿少帝於東隅西面王於梓

宮側東向太平公主曰皇帝

實錄作
少帝

欲以此位讓叔

父合否幽求跪曰家國事重有此推讓誠為至公是

日少帝制請王即皇帝位少帝遜於別宮王即位御

承天門大赦封少帝為溫王餘見通鑑

胡寅曰隆基
舉事之初或

請先白相王隆基恐王預危事而不自既誅韋氏劉
幽求曰衆約今夕共立相王何不早定隆基又止之
至是復拒幽求之議不得已而入告然則隆基之志
本欲自取特迫於父子不敢出言惜乎睿宗之不見
幾幽求之不知變也

丙午太常少卿薛稷為黃門侍郎參知機務

以新紀修

丁未

立平王隆基為皇太子

以新紀修

復則天大聖皇后號曰天

后追削武三思武崇訓爵謚斷棺暴屍

通鑑

戊申許州

刺史姚崇為兵部尚書同三品韋嗣立蕭至忠為中書

令趙彥昭為中書侍郎崔湜為吏部侍郎同平章事

以新

紀通鑑修 帝妹太平公主用事

以呂祖謙標目修

贈郎岌燕欽融諫

議大夫

以通鑑修

秋七月庚戌朔封子三人為王

以新紀修

贈韋

月將宣州刺史

以通鑑修

癸丑兵部侍郎崔日用為黃門侍郎

參知機務

以通鑑修

追復故太子重俊位號敬暉桓彥範崔玄

暉張柬之袁恕己李多祚等官爵

以通鑑修

丁巳洛州長史

宋璟檢校吏部尚書同三品璟與姚崇協心革弊政進

忠良退不肖賞罰盡公有貞觀永徽之風

以通鑑修

岑義罷

新紀 貶蕭至忠韋嗣立趙彥昭張錫李嶠為刺史

以新舊紀修

崔湜罷

新紀

蘇瓌為左僕射

以新紀修

丁卯唐休璟張仁愿罷

以新舊紀修

改元

新紀

解題曰宋庠紀年通譜景雲見故改元以協瑞孫甫
曰古之人君即位必踰年而改元者先君之年不可
不終也繼大位不可無年也一年不可二君也先君
之年不終則後嗣急於為君而忘孝心矣繼大位無
始則布政立事無以正本矣一年二君則國統不一
而民聽惑矣典法如是之重人君可不謹其事歟睿

宗於中宗雖兄弟之序然繼其位則同於先君安可不待踰年而改元蓋大臣昧於經義而然也

崔日用薛稷罷

新紀

乙亥廢武氏廟陵追廢韋后為庶人

安樂公主為悖逆庶人

以新紀脩

譙王重福及汴州刺史鄭

愔入東都八月伏誅

以新紀脩

置羽林飛騎

以通鑑脩

罷斜封官

凡數千人

以新紀脩

貶裴談為刺史

以新紀脩

贈蘇安恒諫議大

夫

通鑑

冬十月追號天后曰大聖天后

以新紀脩

解題曰鼂補之曰武氏之惡非其子嗣立則為世大

戮無復列於唐宗廟矣今追尊其無名之號以為愛親是播其惡於衆也

謚太子重俊曰節愍

以通鑑修

十一月戊申姚崇為中書令

以新舊紀脩

己酉葬定陵廟號中宗

以新舊紀脩

解題曰歐陽脩曰吉凶之於人猶影響也而為善者得吉常多其不幸而罹於凶者有矣為惡者未始不及於凶其幸而免者亦時有焉而小人之慮遂以為天道難知為善未必福而為惡未必禍也武后之惡

不及於大戮所謂幸免者也至中宗韋氏則禍不旋踵矣然其親遭母后之難而躬自踵之所謂下愚之不移者歟

壬子蘇瓌韋安石罷

新紀

是歲初置河西節度支度營田

大使

方鎮表文

解題曰節度使始於此按通典會要並云景雲二年四月以賀拔延嗣為河西節度使為節度使之始方鎮表景雲元年置河西諸軍州節度支度營田督察

九姓部落赤水軍兵馬大使通鑑考異以實錄所載薛訥先是已為幽州鎮守經畧節度大使則節度之名不始於延嗣今考新舊史薛訥傳訥為幽州都督蓋永徽以後都督帶使持節即為節度使訥之所以為節度使者蓋帶使持節爾若節度使定名則實自延嗣始也河西節度大使領涼甘肅伊瓜沙西治涼州副使治甘州開元二年兼隴右羣牧都使七年領經畧大使天寶四載張掖太守領節度副使大曆元

年徙治沙州咸通四年置涼州節度領涼洮西鄯河

臨治涼州

永徽已後都督帶使持節即為節度雖有其任而未正其名也景雲之世延嗣為河

西節度雖正其名而未重其權也接于開元文武迭用不久任不兼領不遙授及遙授之端一啟於鄴王嗣貞之寵兼領之任復溺於蓋嘉運之私愛銳意邊功而為邊將者十餘年而不易募曠騎以宿衛府無可交之兵而在內之勢日輕置長征兵於邊要精兵咸聚西北而在外之勢日重十道置使偏於邊陲而藩鎮益強節度之職盡用蕃將而國體益輕漁陽之變豈待智者而後知哉

唐睿宗皇帝景雲二年春正月癸丑突厥請和親

以通鑑修

己未太僕卿郭元振中書侍郎張說同平章事

以新舊紀修

甲子徙封重茂為襄王乙丑追尊妃劉氏竇氏為皇后

以舊紀修

二月太平公主蒲州安置

以實錄修

丁丑皇太子監國

甲申貶姚崇宋璟為外州刺史

以新舊紀修

丙戌太子少保

韋安石為侍中劉幽求罷

以新舊紀修

以左右萬騎羽林為

北門四軍

朱熹綱目

解題曰按兵志天子禁軍者南北衙兵也南衙諸衛

兵是也北衙禁軍也龍朔二年始取府兵置左右羽

林軍玄宗以萬騎平韋氏改為左右龍武軍至德二

載置左右神武軍總曰北衙六軍又擇便騎射者置衙前射生手千人曰殿前射生分左右廂初哥舒翰臨洮西置神策軍祿山反衛伯玉將千人赴難屯于陝廣德元年代宗幸陝魚朝恩舉在陝兵與神策軍迎扈悉號神策軍貞元二年為左右神策軍三年改殿前左右射生軍曰左右神威軍總曰左右十軍元和二年省神武軍明年廢左右神威軍合為一曰天威軍八年分隸神策軍昭宗誅宦官神策軍廢皆隸

六軍名存而已

復墨敕斜封官

以新舊紀修

三月癸丑作金仙玉真觀

新舊紀

四月韋安石為中書令李日知為侍中

新紀

甲辰作玄元

皇帝廟

新紀

五月召太平公主還京師

朱熹綱目

復武氏陵

新紀

舊紀

壬戌殿中監竇懷貞為御史大夫同平章事

以新舊紀

修 閏六月初置十道按察使自後廢置不常

以舊紀通鑑修 秋

八月庚午韋安石為左僕射同三品

以新舊紀修

九月乙亥

竇懷貞為侍中

以新舊紀修

冬十月甲辰吏部尚書劉幽求

為侍中散騎常侍魏知古太子詹事崔湜為中書侍郎

並同三品中書侍郎陸象先同平章事韋安石李日知

郭元振竇懷貞張說罷

以新紀修

十一月令百姓二十五入

軍五十免

朱熹綱目

唐玄宗皇帝先天元年春正月辛巳合祭天地于南郊

以通鑑修

己丑改元太極

以新舊紀修

解題曰宋庠紀年通譜籍田故改元

壬辰陸象先同三品

以新紀修

乙未戶部尚書岑羲御史大

夫竇懷貞同三品

以通鑑修

夏五月戊寅祭北郊

朱熹綱目

辛巳

改元延和

以新紀修

解題曰宋庠紀年通譜延和本魏太武年號

六月癸丑岑羲為侍中

朱熹綱目

以刑部尚書郭元振為行

軍大總管伐突厥

以新紀修

幽州都督孫佺等襲奚敗于冷

陁山

以新紀通鑑修

解題曰新書地理志檀州燕樂縣北有吐護真河奚

王衙帳薊州傍吐護真河五百里至奚契丹衙帳舊

五代史列傳奚本匈奴別種即東胡之地凡五部其
大首領號奚王居陰涼州東去營州五百里西南去
幽州九百里後徙居琵琶川在幽州東北數百里天
祐初契丹漸盛奚為契丹戍守邊上暨虜政苛虐其
首領以別部徙媯州故有東西奚之號武經總要賈
耽說媯州西北八百里至陁山新唐書傳契丹之地
西至冷陁事見通鑑

秋七月辛未彗星出西方入太微

朱熹綱目

乙亥竇懷貞為

右僕射平章軍國重事

以朱熹綱目修

八月庚子立皇太子隆

基為皇帝自尊為太上皇大事聽之

以新紀通鑑修

解題曰按新史列傳帝傳位太子左拾遺韓朝宗與將軍龐承宗諫曰太子雖睿聖宜且養成盛德帝不聽孫甫曰睿宗以次子賢而有功取內外屬望之意從長子辭讓之誠立為太子又以時多難上象示變知行事不當天意遂傳位焉實大公之心安宗社之計也柰何為一妹所惑雖傳位而不授以政使太子

稱帝而主細務自稱太上皇而斷大事此體豈正乎
故養成一妹之惡致姦人黨附遂生逆謀由明斷之
不足也餘見通鑑

壬寅上大聖天后尊號為聖帝天后

以通鑑修

甲辰改元

以新

紀脩

丁未立妃王氏為皇后

朱熹綱目

戊申封子二人為王

以本

紀脩

庚戌竇懷貞劉幽求為左右僕射同三品魏知古為

侍中崔湜檢校中書令

以宰相表修

戊午流劉幽求于封州

新九月丁卯朔日有食之

新紀

辛卯立子為王

以本紀

冬通鑑修

十月癸卯獵於驪山

以新舊紀修

十一月誥遣皇帝巡邊後

竟不行

以新紀通鑑修

大事記續編卷五十六